

## Mid-Day Dogri News Bulletin, 12 November 2025

समे – 12:25 hrs.

<><><><><><>

### Kulgam-Sopore Raids

प्रतिबंधित संगठन जमात-ए-इस्लामी खलाफ इक बड्डी कारवाई करदे होई कुलगाम पुलस नै अज्ज जिले भरै च 200 शा मती थाहरें पर छापे मारे। इस अभियान दा मकसद जे.ई.आई. संगठन दे नेटवर्क ते उंदी गतिविधिएं गी खत्म करना, ते बक्ख-बक्ख मोर्चे हेठ परतिये संगठित होने दी कुसै बी कोशश गी करना हा। तोआई, सोपोर पुलस नै बी जेईआई दे नेटवर्क गी निशाना बनांदे होई बड्डे पैमाने पर अभियान चलाए, 30 कोला मते थाहरें पर छापेमारी करियै तलाशी लैती ते आपत्तिजनक समेयान गी जब्त कीता। अधिकारिएं आखेआ ऐ जे इनें कारवाईएं दा मकसद प्रतिबंधित संगठन दे परतिये उभरने पर रोक लाना ते खित्ते च रमानदारी ते नागरिक सुरक्षा यकीनी बनाना ऐ।

<><><><><><>

### LG-Security Meet

उपराज्यपाल मनोज सिन्हा होरें कल राजभवन श्रीनगर च इक उच्ची सतह दी बैठक दी अध्यक्षता करदे होई जम्मू-कश्मीर दे पूरे-पराते सुरक्षा हालात दी समीक्षा कीती। उपराज्यपाल होरें सरबधित सभनें अधिकारिएं गी निर्देश दित्ता जे ओह् केंद्र शासित प्रदेश च कनून बवस्था ते सुरक्षा बनाई रखने लेई पूरी चाल्ली सौहगे-सतर्क रेड्ये कम्म करना। एल.जी होरें जम्मू-कश्मीर पुलस, खुफिया एजेंसिएं ते होरनें सुरक्षा बलें बश्कार नेडमें तालमेल दी जरूरतै पर जोर दित्ता तां जे कुसै बी चाल्ली दी सुरक्षा चुनौती कन्नै असरार ढंगै सिर निब्बड़े जाई सकै।

<><><><><><>

### LG-Malviya Tributes

उपराज्यपाल मनोज सिन्हा होंरें अज्ज महामना पंडित मदन मोहन मालवीय होंरें गी उंदी पुन्नतिथि पर उनेंगी श्रद्धांजलि भेंट कीती। आधुनिक भारत दे दूरदर्शी वास्तुकार ते इक अनुकरणीय शिक्षाविद् दे रूप च चेता कीते जाने आले पंडित मदन मोहन मालवीय होंरें अपना जीवन ज्ञान ते समाज सेवा दे राएं समाज गी सशक्त बनाने लेई समर्पित करी दित्ता। इक सोशल मीडिया पोस्ट च उपराज्यपाल होंरें उन्दे निस्वार्थ सेवा, समाजी सद्भाव ते मातृभूमि दे प्रति अनन्युष्ट समर्पण दे आदर्श गी उजागर कीता। उनें इस गल्लै पर जोर दित्ता जे मालवीय हुंदी विरासत औने आह्नी पीढ़िएं गी प्रेरित करदी रौह्या नागरिकें गी उंदे मुल्लें गी बनाई रखने ते इक प्रगतिशील भारत दे निर्माण लेई कम्म करने लेई प्रेरित करगा।



SC-Welfare Schemes

मुख्य सचिव अटल डुल्लू होंरें पूरे जम्मू-कश्मीर च कल्याणकारी स्कीमें दे विस्तार च प्रगति दा मूल्यांकन करने लेई माली मैहकमे दी इक समीक्षा बैठक दी अध्यक्षता कीती। बैठक दरान उनें इस गल्लै पर जोर भरेआ जे सब्भनें योग्य लाभार्थिं दे प्रधानमंत्री श्रम योगी मानधन योजना दे तैह्त्त नां दर्ज करोआया जा, जेदे च सट्टे बर्रिं दी बरेसू दे बाद त्रै हजार रपे दी म्हीना पेंशन दिती जंदी ऐ। मुख्य सचिव होंरें जिला प्रशासनें गी निर्देश दित्ता जे ओह् जागरूकता ते पंजीकरण दे जतनें गी बधाने लेई श्रम, E.P.F.P ते E.S.I दफ्तरें गी सुविधा केन्द्र दे तौर उप्पर नामजद करदे होई सक्रिय गैंई पुट्टना।



Div.Com

जम्मू दे डिविजनल कमिशनर रमेश कुमार होंरें मुबारक मंडी हैरीटेज परिसर च चला'रदे कम्मों दी प्रगति दा जायजा लैने लेई इक बैठक दी अध्यक्षता कीती। इस बैठक च नगर निगम कमेटी दे अधिकारियें, मुबारक मंडी हैरीटेज सोसायटी, Archives डायरेक्टर NHLML ते होरनें सरबन्धत अधिकारियें हिस्सा लैता। इस समीक्षा बैठक च पार्किंग सुविधा पीरखो थमां वर्टिकल लिफ्ट, डोगरा कला अजैब घर, राजा राम सिंह ते राजा अमर सिंह पैलेस, दरबार हाल, सेंट्रल अहाते सने विरासत संरक्षण दे कम्मों गी शामिल कीता गेआ ऐ। डिविजनल कमिशनर होंरें अधिकारियें गी इक प्रस्तावित फ्लाई ओवर पुल लेई टेंडर जारी करने

लेई आखेआ ते सरबन्धत मैह्कमें ते एजेंसिएं गी समें सिर सभनें परियोजनाएं तैह्त् चला'रदे कम्में गी मुकम्मल करने दे निर्देश दित्ते।

<><><><><><>

## Public-B' Casting Day

अज्ज लोक सेवा प्रसारण दिवस ऐ जेहड़ा हर बरे अज्ज यानि **12** नवंबर गी राष्ट्रपिता ते स्वतंत्रता सेनानी महात्मा गांधी हुं'दे □से□ **1947** च रे'ओ पर दित्ते गेदे ऐतिहासिक भाषण दे चेते च मनाया जंदा ऐ। इस ध्याड़े गी लोक सेवा प्रसारण दिवस दे रूपै च मनाने दा फैसला सन **2** ज्हार च उस बेल्ले दियां सूचना ते प्रसारण मंत्री सुषमा स्वराज हुं'दे □से□ लैता गे□ हा। तदू थमां गै इस मौके पर विशेष कार्यक्रम ते बापू गांधी हुंदी पसिंद दे भजन रे'ओ पर चलाए जंदे न। जिस स्टू'ओ थमां महात्मा गांधी होंरें अपने संदेश प्रसारित कीता हा उसी बापू स्टू'ओ नां दित्ता गेदा ऐ।

<><><><><><>

## Prog. Announcement

आकाशवाणी दा क्षेत्रीय समाचार एकांश 'विश्व मधुमय दिवस' दे मौके पर औंदी **14** नवम्बर गी **30**एं मिंटे दी इक विशेष चर्चा प्रसारित करने जा'रदा ऐ जेहदा विषे ऐ डायबीटीज, इटूज काजिज, सिम्पट्म्ज एण्ड प्रिवेंशन यानि मधुमय एहदे कारण, लक्षण ते एहतियाती उपाज। शुक्रवारें दिनें ढाई बजे प्रसारित होने आह्ने इक विशेष कार्यक्रम च स्हाड़े परौहने होडन जम्मू मेडिकल कॉलेज च एंडोक्रिनोलोजी विभाग दे अध्यक्ष डॉ. सुमन कोतवाल जेहड़े शुगर रोग बारै जानकारी श्रोताएं कन्नै सांझी करडन। इन्दे कन्नै गल्लबात करडन स्हाड़े न्यूज एंकर विजय बजाज। एह् कार्यक्रम स्हाड़े इस्सै चैनल पर मीडियम वेव **303** मीटर यानि **990** किलोहर्टज ते एफ.एम **100** इशारिया **3** मेगाहर्टज पर सुनी सकदे ओ।

<><><><><><>